



**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
MINISTARSTVO TRGOVINE, TURIZMA  
I SAOBRAĆAJA**

## **IZVJEŠTAJ O RADU**

**Ministarstva trgovine, turizma i saobraćaja  
za period od 01.01.2010. godine do 31.12.2010. godine**

**Tuzla, februar 2011. godine**

## **U V O D**

Organizacija i funkcionisanje Ministarstva trgovine, turizma i saobraćaja (u daljem tekstu: Ministarstvo), za izvještajni period od 01.01.2010.godine do 31.12.2010. godine, bila je usklađena sa odredbama Ustava Federacije Bosne i Hercegovine, Ustava Tuzlanskog kantona, Zakona o ministarstvima i drugim organima uprave Tuzlanskog kantona.

Aktivnosti Ministarstva u posmatranom periodu, bile su usmjerene na realizaciju poslova i zadataka predviđenih u Programu rada ministarstva, te Programu rada Vlade Tuzlanskog kantona, kao i ciljevima i politikom Vlade Kantona za 2010. godinu.

Ovim Izvještajem obuhvaćene su uglavnom aktivnosti u organizacionim jedinicama Ministarstva sa posebnim osvrtom na poslove i zadatke koji su hronološki proizilazili iz odredaba pojedinih propisa, te aktivnosti drugih subjekata Tuzlanskog kantona i Federacije Bosne i Hercegovine.

Funkcionisanje i rad u Ministarstvu organizovan je kroz sljedeća odjeljenja i to:

1. Odjeljenje opštih i pravnih poslova;
2. Odjeljenje trgovine i turizma
3. Odjeljenje saobraćaja

### **A – ODJELJENJE OPŠTIH I PRAVNIH POSLOVA**

Programom rada Ministarstva trgovine, turizma i saobraćaja Tuzlanskog kantona i Vlade Kantona imali smo za realizaciju poslova i zadataka zacrtanih u Planu rada za 2010. godinu različite aktivnosti počev od donošenja Zakona i Pravilnika Ministarstva do rješavanja žalbi na prvostepena rješenja inspekcijskog nadzora, preko usvajanja akata koje spadaju u nadležnost ovog Ministarstva pa sve do do sprovođenje akata Ministarstva, kao i njihovog prijema i otpreme, te drugih poslovi zacrtani u programu rada.

U Odjeljenje opštih i pravnih poslova kao organizacione jedinice, poslove su obavljali 1 (jedan) državni službenik i to Sekretar Ministarstva i 4 (četiri) namještenika.

Poslove koje je obavljalo Odjeljenje za opšte i pravne poslove odnose se uglavnom na:

#### **Opšti poslovi:**

- Zakon o izmjeni i dopuni Zakona o osnivanju JP „Međunarodni aerodrom Tuzla“ d.o.o, Program javne raspave i Izvještaj o obavljenoj javnoj raspravi
- Pravilnik o izmjenama i dopunama Pravilnika o unutrašnjoj organizaciji Ministarstva trgovine, turizma i saobraćaja;
- Pravilnik o izmjenama i dopunama Pravilnika o plaćama, naknadama idrugim materijalnim pravima;
- Izvještaj o rješavanju upravnih stvari u upravnom postupku za 2009. godinu;
- Izrada Plana nabavke za 2010. godinu;

- Izrada tenderske dokumentacije i sprovođenje postupaka javnih nabavki roba i usluga;
- Upustvo o primjeni Odluke Vlade Tuzlanskog kantona o utvrđivanju uslova i kriterija za imenovanje u regularne organe;
- Lista kategorija registraturne građe;
- Prijedlozi na Nacrt Zakona o promjeni namjene poljoprivrednog zemljišta;
- Izvještaj o nacionalnoj strukturi i broj zaposlenih;
- Informacija o realizaciji Strategije razvoja Tuzlanskog kantona;
- Informacije i Ankete na zahtjev Udruženja građana i drugih nevladinih organizacija;
- Prijedlozi za izradu Programa rada Skupštine Tuzlanskog kantona za 2011.godinu i Programa rada Vlade Tuzlanskog kantona za 2011.godinu.

### **Donošenje rješenja i drugih akata:**

Iz oblasti turizma izdato je 1 rješenje, iz oblasti saobraćaja 2 i iz oblasti radnih odnosa 262.

### **Zahtjevi i Odluke upućenih Vladi Tuzlanskog kantona:**

- Prijedlog Odluke o davanju saglasnosti za formiranje i rad Komisije za polaganje posebnog ispita za taksi vozača Tuzlanskog kantona;
- Odluka o osnivanju Savjeta za praćenje cijena;
- Prijedlog Plana rada i finansijskog plana Direkcije cesta Tuzla;
- Zahtjev za dostavu mišljenja u vezi plaćanja Komisije za kategorizaciju ugostiteljskih objekata;
- Prijedlog Odluke o davanju saglasnosti o naknadi za angažovanje spoljnog saradnika;
- Prijedlog Zakona o izmjenama i dopunama Zakona o osnivanju JP „međunarodni aerodrom Tuzla“;
- Odgovor na Monitoring rada CCI;
- Prijedlozi i sugestije na Prijedlog Odluke o utvrđivanju Programa investicija i zapošljavanja iz sredstava ostvarenih privatizacijom preduzeća;
- Izvještaj o radu Ministarstva trgovine, turizma i saobraćaja za period od 01.01.-31.12.2009.godine;
- Izvještaj o radu Direkcije cesta Tuzla za period 01.01.-31.12.2009. godinu
- Prijedlog Programa raspodjele sredstava manifestacije;
- Odgovor na Informaciju o naknadi nastale štete u preduzeću „GIPS“ dd Tuzla;
- Izještaj i plan rada NO; Izještaj i plan poslovanja i Izvještaj o izvršenoj reviziji JP „Međunarodni aerodrom Tuzla“;
- Prijedlog za sufinansiranje manifestacije „ XIII susreta planinara Balkana“ Planinarsko društvo „Konjuh“;
- Prijedlog Odluke o izmjeni Odluke o odobravanju sredstava sa pozicije „kapitalni transferi“;
- Prijedlog utroška sredstava sa budžetske pozicije sredstava za utrošak prihoda od koncesije;
- Prijedlog Odluke o davanju saglasnosti na Odluku o odobrenju sredstava uplaćenih po osnovu naknada za obavljene tehničke preglede;
- Izmjene i dopune Plana rada i finansijskog plana Direkcije cesta Tuzla;
- Prijedlog Odluke za utrošak prihoda od koncesije;

- Prijedlog Odluke i tekst Javnog oglasa za izbor i imenovanje članova Skupštine JP „Međunarodni aerodrom Tuzla“ d.o.o;
- Prijedlog Odluke o davanju saglasnosti za prijem u radni odnos Stručnog saradnika za prevoz putnika;
- Prijedlog Odluke o izmjeni Odluke o odobravanju kredita i Anexa 5 JP „Međunarodni aerodrom Tuzla“;
- Informacija o predmetu Ibrahim Paočić.

#### **Ostali poslovi:**

- Praćenje ispravnosti faktura, kontiranje, popunjavanje zahtjeva 1,2,3 i 4 za knjiženje i plaćanje, upućivanje trezoru.
- Izrada i dostavljanje tromjesečnih operativnih planova
- Kontinuirano praćenje izdataka i rashoda Ministarstva za 2010. godinu
- Kontinuirano praćenje priliva vlastitih prihoda i planiranje rashoda iz vlastitih prihoda u 2010. godini
- Izrada zahtjeva za unutrašnju preraspodjelu rashoda za 2010. godinu
- Izrada prednacrt, nacrt i prijedloga Budžeta Ministarstva za 2011. godinu.
- Izrada Dokumenta okvirnog budžeta za period 2011- 2013. godine sa podacima o izvršenju budžeta za 2009. godinu i budžetu za 2010. godinu
- Dostavljanje Izvještaja Agenciji za javne nabavke o postupcima javne nabavke
- Priprema, dostavljanje dokumentacije za internu reviziju i reviziju institucija u FBiH ( komentari na dostavljene nacрте izvještaja , postupanje po prijedlozima prethodnih revizorskih izvještaja)
- Izrada dopisa i dostavljanje Ministarstvu finansija za izdavanje mišljenja i saglasnosti
- Praćenje i pregled Izvještaja o namjenskom utrošku sredstava dodjeljenih drugim nivoima vlasti Tuzlanskog kantona i udruženjima.
- Izrada i dostavljanje dopisa dobavljačima, kantonalnom pravobranilaštvu, uredu za zajedničke poslove, Vladi TK i dr.
- Izrada prijedloga Odluka o odobravanju sredstava sa budžetske pozicije „Tekuće rezerve“
- Pripremanje i dostavljanje radnog materijala Radnoj grupi za izradu Informacije o ulaganjima Budžeta TK za razvoj Kantona u toku 2007, 2008 i 2009. godine.
- Pripremanje i dostavljanje radnog materijala za izradu radne verzije Programa preventivnog djelovanja u suzbijanju i kršenju ljudskih prava

#### **Seminari radionice:**

- Učestvovanje na seminarima organizovanih iz područja računovodstva budžetskih korisnika i međunarodnih računovodstvenih standarda.

## **B – TRGOVINA I TURIZAM**

### **B1- TRGOVINA**

U periodu od 01.01.2010.- 31.12.2010. Odeljenje trgovine u okviru Ministarstva trgovine, turizma i saobraćaja je obavljalo sljedeće aktivnosti:

1. Evidenciju dostavljenih obrazaca o promjeni cijena i marži pravnih i fizičkih lica za proizvode koji su u kantonalnoj nadležnosti .
2. Kontinuirana kontrola visine marži osnovnih životnih namirnica u skladu sa Odlukom o mjerama neposredne kontrole cijena radi sprečavanja nastajanja poremećaja na tržištu našeg Kantona a na osnovu evidencije dostavljenih OPC.
3. Na osnovu dostavljenih promjena izrada izvještaja o promjenama cijena i marži osnovnih životnih namirnica.
4. Dostavljanje mjesečnih izvještaja o cijenama osnovnih životnih namirnica Federalnom ministarstvu trgovine.
5. Osnivanje i koordiniranje savjeta za praćenje cijena, njihovog uticaja na standard građana i predlaže nadležnim organima mjere neposredne kontrole cijena.
6. Kontinuirano praćenje i analiza stanja u oblasti trgovačke djelatnosti, broja trgovačkih firmi i ostvarenog prometa u trgovini na osnovu podataka (Rješenja) koje dostavljaju općinske službe za budžet i poduzetništvo te statističkih podataka.
7. Prikupljanje podataka o trgovačkim firmama u kantona slanjem upitnika koji su sadržavali sljedeće podatke: osnovni podaci, podaci o poslovanju, kapacitet ( broj prodajnih objekata, površina, broj zaposlenih po prodajnim objektima i ostvareni promet po prodajnim objektima).Upitnici su poslani na 25 adresa najznačajnijih trgovačkih kuća na području kantona.
8. Izrada informacija o stanju trgovačke djelatnosti u 2009.god.na području Tuzlanskog kantona.
9. Učešće i podrška aktivnostima i akcijama koje promoviraju domaću proizvodnju . Ministarstvo je iniciralo organizovanje „Prve berze jagode“- Čelić 2010. S tim uvezi održano je više sastanaka na kome je konstituisan organizacioni odbor „Prve berze jagode“ u koji je imenaovana državni službenik Dželmina Huremović ispred Ministarstva. Ministarstvo je planiralo i novčanu podršku projektima koji promoviraju domaće proizvode ali budžetom za 2010. godinu sredstva nisu odobrena.
10. Kroz učešće na brojnim okruglim stolovima i aktivnostima data podrška i ostvarena saradnja sa udruženjima koja promoviraju zaštitu potrošača kroz edukaciju građana u cilju podizanja kvaliteta trgovine. Saradnja sa UG „ Klub potrošača „ u cilju provođenja i primjene „Zakona o zaštiti potrošača „,
  - 15.mart – Međunarodni dan zaštite potrošača – „Edukacija potrošača školskog uzrasta“, Kampanja za istinitu , neobmanjujuću i neprevarantsku promociju.
  - Podizanje svijesti o energetske učinkovitosti- juni.2010.godine
  - Radionica - Sigurnost hrane za potrošače u BiH ,te uloga i značaj Agencije za sigurnost hrane BiH.-03.06.2010.godine
11. „Poboljšanje pristupa malih i srednjih preduzeća finansijskim sredstvima „ prezentacija programa u organizaciji KPK TK-a. -oktobar.2010.godine
12. Učešće na Okruglom stolu na temu „ Izrada strategije razvoja BiH i Strategije socijalne uključenosti“ -24.mart.2010.god. Brčko DC .

13. Učešće u izradi „Strategije razvoja općine Tuzla“- april.2010.g.
14. Učešće na okruglom stolu – „Sigurnost i kvalitet hrane- pretpostavke zaštite zdravlja i ekonomskog razvoja „ u organizaciji Zavoda za javno zdravstvo- decembar 2010.g
15. Izrada izvještaja o radu , strateških planova i ciljeva, plana rada ...
16. Rješavanje po žalbama u drugostepenom upravnom postupku.

## **B2 – TURIZAM**

- Ministarstvo trgovine, turizma i saobraćaja, odjeljenje turizma je u proteklom periodu nastojalo da održava kakve takve kontakte sa Federalnim ministarstvom okoliša i turizma, iako je ova institucija pokazala krajnje ignorantski odnos prema kantonalnim organima vlasti.
- Održavana je redovna komunikacija i suradnja sa Skupštinom Tuzlanskog kantona, Vladom i drugim ministarstvima Tuzlanskog kantona, kao i sa jedinicama lokalne samouprave kako na području Tuzlanskog kantona, tako i iz neposrednog okruženja
- U suradnji sa organima lokalne samouprave, a u skladu sa novim zakonskim rješenjima iz ove oblasti, započete su aktivnosti na prikupljanju relevantnih podataka neophodnih za uspostavu i ažuriranje baza podataka ugostiteljskih objekata na području Tuzlanskog kantona
- Vode se aktivnosti na uspostavi baze podataka putničkih agencija na području Tuzlanskog Kantona, i permanentno se ažurira baza podataka smještajnih kapaciteta na području Tuzlanskog kantona.
- U proteklom periodu, putem ovog Ministarstva, sa budžetske pozicije “troškovi manifestacija”, pomognuta je realizacija dvije manifestacije na području Tuzlanskog kantona, i to: organizovanje i realizacija XIII susreta planinara Balkana u organizaciji Planinarskog društva “Konjuh” iz Tuzle u iznosu od 4.000,00 KM, organizovanje tradicionalne sajamske manifestacije “LIST 2010” održane u Lukavcu, u organizaciji “Lukavačkog sajma” u iznosu od 10.000,00 KM.
- Novčanim sredstvima iz koncesija pomognuta je realizacija dva projekta i to: sanacija i rekonstrukcija Lovačkog doma “Tuzla” koji se nalazi u neposrednoj blizini kompleksa Panonskih jezera, te je na ovaj način omogućeno da isti bude sastavni dio turističke ponude ovog lokaliteta, u iznosu od 12.000,00 KM, te uređenje planinarskog doma “Javorje” i njegovog okoliša u vlasništvu PD “Konjuh” Tuzla u iznosu od 3.000,00 KM.
- U proteklom periodu su obavljanje i redovne aktivnosti na rješavanju predmeta iz upravnog postupka:

U toku 2010. godine zaprimljeno je 3 (tri) zahtjeva za uvrđivanje minimalno tehničkih uvjeta i uvjeta za kategoriju ugostiteljskih objekata koji pružaju usluge smještaja, a koji su u,

Zakonom predviđenom roku, i riješeni. Ovim aktivnostima ostvaren je direktni prihod za Budžet Tuzlanskog kantona u iznosu od 4.004,82 KM. Na osnovu zahtjeva stranaka u navedenom periodu ovo Ministarstvo izvršilo je ovjeru 91 (devedesetjedne) knjige žalbi, i 7 (sedam) ovjera knjiga gostiju.

Ovim aktivnostima ostvaren je direktni prihod za Budžet TK-a u iznosu od 3.430,00,00 KM

Redni broj	OBLAST UPRAVNOG RJEŠAVANJA	Broj neriješenih predmeta iz prethodne godine	Broj primljenih zahtjeva u toku godine	Ukupan broj predmeta za rješavanje (3+4)	Riješeni predmeti				Ukupan broj riješenih predmeta na kraju godine (6+7+8+9)	Riješeno u roku iz člana 216.ZUP-a	Riješeno po isteku roka iz člana 216.ZUP-a	Procenat riješenih predmeta po isteku roka po čl.216.ZUP-a u odnosu na ukupan br.riješenih pred.	Broj neriješenih predmeta		Ukupan broj neriješenih predmeta (14 + 15)	Procenat neriješenih predmeta za koje je rok istekao u odnosu na ukupan broj neriješenih predmeta
					Zahitjev usvojen	Zahitjev odbijen	Zahitjev odbačen	Postupak obustavljen					Predmeti za koje je istekao rok po čl.216.ZUP-a-	Predmeti za koje nije istekao rok po čl.216.ZUP-a		
1	2	3	4	5	6	7	8	9	10	11	12	13	14	15	16	17
1	Utvrdjivanje minimalno tehničkih uvjeta	-	3	3	3	-	-	-	3		-	100%	-	-	-	-
<b>UKUPNO</b>			3	3	3	-	-	-	3		-	100%	-	-	-	-


- Shodno novoj zakonskoj regulative iz ove oblasti, na federalnom nivou, Ministarstvo je započelo aktivnosti na izradi nove zakonske regulative za područje Tuzlanskog Kantona.
- Permanentno se prati kretanje kapaciteta, turista i noćenja, te u nastavku dajemo uporedni pregled kretanja istih na području Tuzlanskog kantona, za 2010.godinu u odnosu na 2009. i 2008.godinu:

Turizam se kod nas još uvijek promatra i ocjenjuje, isključivo, kroz fizičke pokazatelje ostvarenog broja turista i noćenja pa se na taj način pokušavaju postaviti i njegovi razvojni ciljevi, a to je povećanje broja turista i broja noćenja.


Podaci o turističkom prometu (dolasci i noćenja) su rezultat stalnih aktivnosti koje provodi Ministarstvo trgovine, turizma i saobraćaja Tuzlanskog kantona, a dobijeni su temeljem mjesečnih izvještaja koje dostavljaju poslovni subjekti koji se bave pružanjem smještajnih usluga turistima, na obrascu koje je formiralo i istim distribuiralo Ministarstvo, pozivajući se na odredbe Zakona o organizaciji organa uprave u F BiH («Službene novine F BiH» broj 35/05).

U 2010.godini Ministarstvo trgovine, turizma i saobraćaja Tuzlanskog kantona je pratilo broj posjetilaca i noćenja u dvadesetdevet ugostiteljskih objekata za smještaj te u nastavku ove informacije dajemo pregled istih.

Tuzlanski kanton je u navedenom periodu posjetilo 33.847 posjetioca, što predstavlja smanjenje broja posjetilaca u odnosu na 2009.godinu za 2,4%. Trend smanjenja broja posjetilaca se nastavlja što je posljedica negativnih trendova u ukupnim ekonomskim kretanjima na prostorima TK-a.





U ukupnom broju posjetilaca na Tuzlanskom kantonu domaći posjetioци su ostvarili 21.425 dolazaka, dok strani posjetioци učestvuju sa 12.422 dolazka, odnosno 36,70%. Ovaj odnos još pokazuje nepovoljnu strukturu posjetilaca, i u poređenju sa 2009.godinom broj domaćih posjetilaca se povećao za 2,96%, dok se broj inostranih posjetilaca smanjio za 10,45 %.



Broj posjetilaca po općinama koje raspolažu sa smještajnim kapacitetima, za 2010.godinu, prikazan je u sljedećem tabelarnom i grafičkom pregledu, kao i učešće pojedinih općina u ukupnom broju posjetilaca:




	BANOVIĆI	GRAČANICA	GRADAČAČ	KALESIJA	KLADANJ	LUKAVAC	SREBRENİK	TUZLA	ŽIVINICE
Domaći posjetioci	1213	832	3816	163	41	2886	1778	10345	351
Inostrani posjetioci	257	844	186	2	88	3221	1358	6393	73
UKUPNO	1470	1676	4002	165	129	6107	3136	16738	424




Na ovaj način registrirani posjetioci su na području Tuzlanskog kantona, u 2010. godini, ostvarili **88.699 noćenja**, i to: domaći posjetioci **64.549 noćenja**, ili **72,77 %**, inostrani posjetioci **24.150 noćenja**, odnosno **27,23%**.


## BROJ NOĆENJA



U odnosu na prethodne godine broj noćenja pokazuje trend opadanja sa sljedećom strukturom: broj noćenja domaćih posjetilaca se smanjio za 0,7 %, dok se broj noćenja inostranih posjetilaca smanjio za 20,9 %.



Prosječna dužina boravka turista na nivou Tuzlanskog kantona iznosi **2,62 dana**, i pokazuje silazni trend, obzirom da se ista, u odnosu na 2009.godinu smanjila za **4,73%**.



*Prosječan stepen iskorištenosti smještajnih kapaciteta,*

na nivou Tuzlanskog kantona a za 2010.godine iznosio je **33,98 %**, što pokazuje da se pristup kvalitetu turističke ponude, kod ugostiteljskih objekata za smještaj, mijenja u pozitivnijem smjeru, odnosno sve više se pridaje značaj kvalitetu, u odnosu na kvantitet.

## C - ODJELJENJE SAOBRAĆAJA

Odjeljenje saobraćaja, kao organizaciona jedinica u sastavu Ministarstva je tokom 2010 godine obavljalo poslove koji se odnose na:

- - nadzor nad vršenjem povjerenih javnih ovlaštenja i zakonitošću propisa i općih akata općinskih organa ;
- praćenje stanja i razvoja unutrašnjeg drumskog saobraćaja, željezničkog i vazdušnog saobraćaja u cilju optimalnog zadovoljenja potreba privrede i stanovništva, te posticanje razvoja savremenih transportnih tehnologija;
- praćenje stanja bezbjednosti drumskog saobraćaja, željezničkog i vazdušnog saobraćaja;
- izvršilo pripreme za početak primjene i sprovođenje Pravilnika o posebnom ispitu za taksi vozače Tuzlanskog kantona u saradnji sa opštinskim službama nadležnim za poslove saobraćaja;
- iniciranje i saradnja na izradi planova razvoja u drumskom, željezničkom, vazdušnom saobraćaju i praćenje njihove realizacije ;
- davanje mišljenja na programe sanacije i obnove infrastrukture, prijevoznih i drugih kapaciteta u drumskom saobraćaju i stručna pomoć u njihovoj operacionalizaciji,
- poduzimanje mjera za funkcionisanje drumskog, željezničkog i vazdušnog saobraćaja;
- izdavanje Rješenja o režimu saobraćaja za regionalne puteve ;
- izradu analiza, informacija, izvještaja i mišljenja iz oblasti drumskog saobraćaja,
- pripremu Zakona, Pravilnika i drugih propisa i općih akata iz nadležnosti Ministarstva;
- predlaganje potrebnog kontingenta dozvola u međunarodnom drumskom saobraćaju, distribucija bilateralnih dozvola za robni promet, analiza korištenja dozvola i vođenje evidencije u vezi sa tim,
- praćenje primjene Zakona o cestama FBiH i pratećih Pravilnika ;
- praćenje primjene Zakona o osnovama bezbjednosti na putevima i pratećih Pravilnika;
- vršenje upravnog nadzora nad radom Stanica tehničkog pregleda motornih i priključnih vozila;
- obradu podataka i izradu baze podataka za Ministarstvo;
- izradu prednacrtu, nacrtu i prijedloga Zakona, drugih propisa i općih akata, nomotehničku obradu tih propisa, kao i pripremanje izmjena i dopuna tih propisa;
- izradu analiza, izvještaja, informacija i drugih stručnih i analitičkih materijala na osnovu odgovorajućih podataka ;
- izradu elaborata, studija, programa, projekata, planova i procjena u oblasti saobraćaja, kao i projektnih zadataka za saobraćaj;
- provođenje politike i izvršavanje Zakona, drugih propisa i općih akata i s tim u vezi utvrđivanje stanja u oblasti saobraćaja i posljedica koje mogu nastati u saobraćaju;
- obavljanje upravnih poslova i druge stručne poslove vezane za obavljanje unutrašnjeg i međunarodnog saobraćaja, izdavanje pojedinačnih akata (rješenja i drugih akata) predviđenih Zakonom i podzakonskim aktima iz oblasti saobraćaja;
- vršenje stručne obrade sistemskih rješenja od značaja za saobraćaj ;
- praćenje tehničko-eksploatacionih karakteristika vozila sa stanovišta ispunjavanja određenih standarda i bezbjedonosnih uslova,

- vođenje upravnog postupka u vezi izdavanja Licenci , Iskaznica i Rješenja o tehničko-eksploatacionim uslovima,
- učestvovanje u radu Komisije za kategorizaciju autobuskih stanica;
- vršenje nadzora i praćenja rada autobuskih stanica i stanica tehničkog pregleda

#### a) Drumski saobraćaj

Prema evidenciji Ministarstva, na području Tuzlanskog kantona u 2010 godini bilo je ukupno 80 prijevoznika koji učestvuju u putničkom prijevozu, od čega je 45 prijevoznika u linijskom prijevozu putnika i 35 prijevoznika u vanlinijskom i ugovorenom prijevozu putnika sa ukupno 584 autobusa.

Prilikom odobravanja i registriranja kantonalnih linija Ministarstvo trgovine, turizma i saobraćaja nastojalo je obezbjediti transportni sistem u Tuzlanskom kantonu u kojem će korisnici transportnih usluga imati kvalitetnu uslugu, a svi prijevoznici mogućnost rentabilnijeg poslovanja, uz poštivanje zakona i podzakonskih akata, propisanih uvjeta za obavljanje linijskog prijevoza putnika, gdje su se pri tome obavezno uzimali slijedeći principi:

- ravnopravnost svih prijevoznika koji su dostavili dokaze o ispunjavanju uslova za obavljanje linijskog prijevoza putnika,
- efikasnost, poslovnost, pružanje prijevoznih usluga, transportne sposobnosti
- prijevoznika,
- potrebe za prijevozom stanovništva i privrede u vremenu i prostoru,
- zakonitost u radu, što treba da stvori povoljno okruženje za slobodno tržište.

Prema registraciji redova vožnje postoji pet nivoa linija i to: međunarodne, međuentitetske, federalne, kantonalne i opštinske linije.

**Međunarodne linije** iz Tuzlanskog kantona saobraćaju prema 10 zemalja zapadne Evrope (Austrija, Belgija, Hrvatska, Srbija, Njemačka, Slovenija, Švicarska, Luksemburg, Holandija i Švedska) polazi 172 polaska ili 11 % od ukupnog broja međunarodnih polazaka na nivou Federacije prema zapadnoevropskim zemljama. U toku 2008 i 2009. godine došlo je do obnavljanja međunarodne linije sa R Srbijom sa ukupno 3 polaska i 3 povratka u kooperaciji «Transturist» Tuzla, «Lasta» Beograd i «Semberija transport» Bijeljina (polasci u međunarodnom prijevozu se računaju koliko puta prijevoznik saobraća u sedmici, puta broj polazaka i ovi polasci su ukupan broj mjesečno).

Više od polovine registriranih polazaka iz inostranstva je iz Hrvatske što je razumljivo i logično, a uzimajući u obzir blizinu te zemlje i istorijsku povezanost sa našom državom. Potrebno je naglasiti da sve linije za Hrvatsku za razliku od drugih zemalja imaju režim održavanja svakodnevno, odnosno samo dva reda vožnje su tri puta sedmično.

Od ukupnog broja polazaka značajan je broj registriranih polazaka za Njemačku i iz pravca Njemačke, odnosno više od 30 %, ali je kod registrovanih redova vožnje za Njemačku 75 % svakodnevno, dok ostali polasci su sa režimom održavanja jedanput do pet puta sedmično.

Kod međunarodnog linijskog prijevoza putnika u narednom periodu naročito treba posvetiti pažnju u suzbijanju vanlinijskog prijevoza putnika koji se vozi suprotno međunarodnom zakonu. Prema nalazima Inspektora za cestovni saobraćaj oko 30 prijevoznika obavljaju vanlinijski prijevoz u svim pravcima gdje imaju registrovan međunarodni linijski prijevoz putnika.

**Međuentitetske linije** koje su odobravane iz Tuzlanskog kantona prema Srpskom entitetu i obratno, odobreno je 4 linije sa 40 polaska u 8 pravaca i to : Tuzla-Bijeljina, Tuzla-Zvornik, Tuzla-Lopare-Brčko i Tuzla-Srebrenik-Brčko.

**Federalne linije** su registrovane od 01.04.2009. godine do 31.03.2011.godine. Kad su u pitanju federalne linije na Tuzlanskom kantonu imamo 12 (dvanaest) prijevoznika koji imaju 35 registrovanih federalnih linija sa 108 polazaka-povrataka od toga 40 polaska-povratka za Sarajevo. Poređenja radi autobuska stanica u Tuzli dnevno primi 102 autobusa na federalnim linijama, odnosno svakih 12 minuta sa autobuske stanice pođe ili dođe jedan autobus.

**Kantonalne linije** -Ministarstvo trgovine, turizma i saobraćaja je izvršilo produženje registracije kantonalnih redova vožnje do 31.03.2011.godine. U registru kantonalnih redova vožnje izvršena je registracija 96 linija, za 25 prijevoznika, odnosno 428 polazaka i 421 povratka sa ukupno 849 polaska - povratka. Kantonalne linije na području Tuzlanskog kantona obuhvataju 13 općina, kao i povezanost sa Brčko Distriktom koje su ranije bile registrovane u Ministarstvu trgovine,turizma i saobraćaja Tuzlanskog kantona.

Iz Tuzle u pravcu 13 općina na nivou Tuzlanskog kantona u toku dana registrirano je 428 kantonalna polaska, od čega 354 polazaka iz Tuzle polazi sa Prigradske autobuske stanice «Istok»-Simin Han i prigradske autobuske stanice «Zapad» Siporeks , a ostala 74 polaska sa Međugradske autobuske stanice u Tuzli. Najviše polazaka ima u pravcu Lukavaca 91 polazak, Živinica 76, Srebrenik 61, Kalesija 43 , Banovići 51 ,Gračanicu 26 , Doboj Istok 12 , Teočak 6, Sapna 8, Čelić 12, Gradačac 10, Kladanj 10 itd. Iz ovoga je vidljivo da su općine koje su udaljene od centra kantona između 20-30 km izuzetno povezane, i da se sve čini da i općine koje su nešto udaljenije imaju istu povezanost.

**Općinske linije** - usklađivanje i registraciju općinskih linija vrše općine, te ovom prilikom dajemo zbirni pregled prijevoznika po općinama, broj linija i ukupan broj polazaka-povrataka dostavljenih od strane sekretarijata za privredu 13 općina Tuzlanskog kantona.


**Tabela 1.**

Općina	Tuzla-gradski pr.	Tuzla-općinski	Srebrenik	Banovići	Čelić	Doboj I.	Lukavac	Gračanica	Gradačac	Kalesija	Teočak	Živinice	Sapna	Kladanj	Ukupno
Broj prijevoznika	1	1	6	1	1	1	7	3	5	2	1	3	1	3	<b>36</b>
Broj Linija	19	9	19	13	3	2	16	19	8	6	3	17	6	6	<b>146</b>
Ukupno polazaka-povrataka	441	225	177	114	36	18	190	153	64	112	6	209	21	65	<b>1797</b>

Takođe, može se zaključiti da u općinama gdje je donešena odluka da se izvrši usklađivanje po pozitivnim zakonskim propisima (Pravilnik o usklađivanju i registraciji redova vožnje), postoji više registrovanih prijevoznika na općinama odnosno veći broj prijevoznika koji stvaraju konkurenciju u pružanju usluga prijevoza što je sa stanovišta korisnika saobraćajnih usluga-putnika znatno povoljnija .

U općinama Tuzla, Banovići, Čelić, Doboj I. i Teočak za sada općinski prijevoz vrše domicilni prijevoznici kojima su nadležne općinske službe red vožnje samo ovjerile za naredni registarski period 2010/2011 godinu .

Prilikom procjene održavanja svih registrovanih linija bez obzira kojeg je nivoa linija na Tuzlanskom kantonu da bi zadovoljili potrebe, potrebno je 560 autobusa.



Prema podacima koji su dostupni Ministarstvu na području Tuzlanskog kantona ima registrovano cca 584 autobusa, što znači da od ukupnog broja autobusa na linijski prijevoz otpada 560, a za vanlinijski prijevoz 24 autobusa koji se isključivo koriste za sopstveni prijevoz,ugovoreni prijevoz, prijevoz radnika, đaka, itd.

Prigradska autobuska stanica «Istok» i «Zapad» u Tuzli su najopterećenije autobuske stanice na prostoru Tuzlanskog kantona i opslužuju 19 prijevoznika sa ukupno 354 polaska odnosno 354 povratka.

Međugradska autobuska stanica u Tuzli opslužuje 42 prijevoznika, ima ukupno sa međunarodnim, međuentitetskim, federalnim i kantonalnim linijama 170 polazaka-povratka od toga je 96 polaska-povratka federalnih linija, 74 polazak-povratak kantonalnih linija,što znači da svakih 5 minuta polazi odnosno dolazi jedan autobus. Od toga je 43 polaska direktnih federalnih linija, odnosno sa Međugradske autobuske stanice u Tuzli svakih 21 minut polazi jedan autobus na federalnim linijama, odnosno 80 polazaka direktnih kantonalnih linija, što svakih 12 minuta polazi jedan autobus na kantonalnim linijama koje polaze sa Međugradske stanice.

#### **Prigradska autobuska stanica Tuzla**

- ukupno prijevoznika .....19
- ukupan broj polazaka radnim danom .....354
- od toga je 298 kantonalnih polazaka,
- od ukupno 298 polazaka 114 održava GIPS, a ostali prijevoznici 184 polaska

#### **Međugradska autobuska stanica Tuzla**

- ukupno prijevoznika.....42
- ukupan broj polazaka.....170
- ukupno federalnih linija.....96
- ukupno kantonalnih linija.....74
- broj perona 12 , za upotrebu 11 ( 1 se ne upotrebljava)

#### **Taksi prijevoz**


Na području Tuzlanskog kantona u protekloj 2010.godini, taksi djelatnost je obavljalo oko 469 vozila.Od toga je najveći broj taksi vozila registrovano na području općine Tuzla, gdje trenutno taksi djelatnost obavlja 42 pravno lice sa 163 voznih jedinica, odnosno 176 fizičkih lica koja obavljaju taksi djelatnost, što znači da se na području općine Tuzla djelatnost taksi prijevoza vrši sa 339 licenciranih taksi vozila.

Za prijevoznike koji vrše taxi prijevoz urađene su i podijeljene dopunske oznake koje su taxi prijevoznici dužni posjedovati u skladu sa Zakonom. Ukupno je u proteklom periodu


na području TK podnešeno 425 zahtjeva za dopunskim oznakama pri čemu je podijeljeno 423 taxi oznake. Odbijeno je samo 2 zahtjeva koji nisu ispunili uslove propisane Zakonom.

Ukupno je u oblasti taksi prijevoza uposleno cca 500 ljudi , tako da i ovaj vid saobraćaja zauzima značajno mjesto u oblasti prijevoza putnika.

Na osnovu podataka kojima raspolažemo na području Tuzlanskog kantona je ukupno registrovano 103.820 vozila, od toga 86.292 putničkih vozila, 582 autobusa , 11748 teretnih vozila , 1080 motocikala , 1301 traktora i 2824 ostalih vozila (radne mašine i dr.), a što je prikazano u slijedećem dijagramu.



Najveći broj vozila je registrovan na području općine Tuzla - 27400 vozila , a zatim slijede Živinice sa 17774 vozila, Gradačac sa 13954 vozila , Gračanica sa 9655 vozila, Lukavac sa 9646 vozila, Srebrenik sa 5989 vozila , Kalesija sa 5533 vozila, Banovići sa 5128 vozila, Doboj Istok sa 2344 vozila, Kladanj sa 2335 vozila, Čelić sa 1568 vozila, Sapna sa 1376 vozila i Teočak sa 1125 vozila, a što se vidi u narednom dijagramu.



U skladu sa važećim zakonskim i podzakonskim aktima u odjeljenju saobraćaja za 2010.godinu urađeno je i slijedeće:

U toku 2010 godine izdavana su Rješenja o ispunjavanju tehničko-eksploatacionih uslova, Licence, iskaznice za motorna vozila kojima se obavljaju pojedine vrste prijevoza.



Podnešeno je 8456 zahtjeva za izdavanje Rješenja o ispunjavanju tehničko-eksploatacionih uslova, pri čemu je doneseno 8456 rješenje.

U posmatranom periodu ukupno je izdato 2215 svih vrsta obrazaca licenci za vozila i to:


„AB”- za linijski i vanlinijski prijevoz putnika izdata 359 obrasca licenci,

„ B “- za vanlinijski prijevoz putnika izdato 23 obrazaca licenci,

„ C ”- za javni prijevoz stvari izdato 1430 obrazac licenci,


„ D ”- za obavljanje taksi djelatnosti izdato 403 obrazaca licenci.

Za sva pravna i fizička lica u navedenom periodu izdato je 731 Iskaznica za vozače motornih vozila .



**Tabela 1.**

Vrsta zahtjeva koji su rješavani u upravnom postupku	Broj izdatih Rješ. O the.ekspl.usl.	Broj izdatih obrazaca licenci A,B,C,D	Broj izdatih Iskaznica za vozače	Broj izdatih dopunskih oznaka za taksi vozila	Ukupno
Riješeno zahtjeva u 2006	9650	773	536	212	11171
Riješeno zahtjeva u 2007	16191	2341	1394	281	20207
Riješeno zahtjeva u 2008	8210	2122	5188	329	15849
Riješeno zahtjeva u 2009	8123	1752	893	372	10403
Riješeno zahtjeva u 2010	6164	2215	731	423	9533
2010/2009	0,75	1,264	0.81	1,13	0,91



Iz tabele broj 1., odnosno iz dijagrama, se može vidjeti da je u 2010 u odnosu na 2009 godinu, izdato **0,75 %** manje rješenja o tehničko-eksploatacionim uslovima za vozila kojima se vrši prijevoz, iz razloga što su ranije izdata rješenja sa rokom važenja od 1 do 5 godina i jedan dio pravni subjekata nema obavezu podnositi novi zahtjev svake godine .

Izdato je za 1,264 % više obrazaca svih vrsta licenci za obavljanje prijevoza u 2010.godini .

Izdato je za 1,13% više dopunskih taksi oznaka za vozila u 2010.godini jer su pravna i fizička lica koja se bave taksi prijevozom, uspjeli izmiriti sve obaveze po osnovu javnih prihoda (penziono, zdravstveno, poresko), te time stekli pravo na dobijanje dopunskih taksi oznaka.

U toku 10 godine izdato je 9533 svih vrsta dokumenata , što u odnosu na 2009.godinu predstavlja smanjenje od oko 0,91 % . .

U saradnji sa Kantonalnom privrednom komorom i Kantonalnom upravom za inspekcijske poslove održano je više sastanaka sa prijevoznicima sa područja TK-a, a sa ciljem rješavanja problematike nelegalnog rada u oblasti prijevoza (kombi prijevoz, nelegalan taksi prijevoz i dr).

## b) Teretni saobraćaj

U proteklom periodu 2010 godine na području TK je izdato 1430 obrazaca licenci “C” za javni prijevoz stvari.

Ministarstvo je za potrebe prijevoznika koji se bave međunarodnim prijevozom vršilo izdavanje međunarodnih jednokratnih bilateralnih dozvola.


Prema evidenciji Ministarstva, a koja je kontrolisana od strane Federalnog ministarstva prometa i komunikacija i koja je bila osnova za utvrđivanje koeficijenta za raspodjelu bilateralnih dozvola na području Tuzlanskog kantona za 2010 godinu bilo je ukupno 495 prevoznika koji učestvuju u međunarodnom prijevozu, od čega je 230 prijevoznika imalo kompletnu dokumentaciju (Licencu prijevoznika, Rješenje o tehničko-eksploatacionim uslovima, izmireno PIO/ MIO, poresko, zdravstveno osiguranje i dr.).

Od ukupnog broja prijevoznika 132 prijevoznika je imalo osnovnu djelatnost prijevoza stvari koju su obavljali sa 597 vozne jedinice , a 98 prijevoznika je obavljalo sporednu djelatnost sa 339 voznih jedinica, odnosno na području kantona je ukupno evidentirano 936 voznih jedinica.

U 2010 godini, a na osnovu kapaciteta – broja voznih jedinica, broja prijevoznika, obima uvoza-izvoza i dr. Ministarstvu trgovine, turizma i saobraćaja za 2010 godinu je od strane Federalnog ministarstva prometa i komunikacija dodijeljeno 4018 komada svih vrsta bilateralnih dozvola, što u odnosu na 2010 godinu kada smo dobili 4103 dozvola predstavlja smanjenje kontingenta dobivenih dozvola za 100 komada, što se vidi iz slijedeće tabele i dijagrama .

Tabela 2.

	Broj zaduženih bilateralnih dozvola u Ministarstvu	Broj iskorištenih dozvola od strane prijevoznika sa TK
2006 godina	5696	5687
2007 godina	6391	6059
2008 godina	6000	5131
2009 godina	4103	3697
2010 godina	4018	3806



Svi prijevoznici su u izvještajnom periodu podigli ukupno 3806 bilateralnih dozvola.

Broj voznih jedinica je jedan od osnovnih kriterija za raspodjelu dozvola, a od ostalih kriterija kojima se rukovalo Ministarstvo prilikom raspodjele dozvola, a koji su u skladu sa Pravilnikom o kriterijima, postupku i načinu raspodjele dozvola navesti ćemo slijedeće:

- da je prijevozniku osnovna djelatnost obavljanje međunarodnog prijevoza ,
- da prijevoznik raspolaže sa kvalitetnijim vozilima (eko vozila EURO-3, EURO-4, EURO-5),
- da je prijevoz koji obavlja prijevoznik od interesa za Tuzlanski kanton što se cijeni na temelju Ugovora , CMR-ova i druge dokumentacije,
- ravnomjerne raspoređenosti po općinama Tuzlanskog kantona ,
- po procentu razduženja dozvola za predhodni period i dr.

Analizom korištenja dozvola utvrđeno je da su predmet izvoza kao i u proteklim godinama, najčešće bili soda, drvo, bukova daska, koža, latoflex ležaji, obuća, tekstilna roba, maleinska kiselina, razne čelične konstrukcije , ugajl za Srbiju i Hrvatsku itd.

Prijevoznici su najčešće uvozili naftu i naftne derivate, staklo, razne vrste ulja , pšenicu , repromaterijal za proizvodnju tekstila i obuće, građevinski materijal, granit i mermer, keramiku, plastiku , željezo , drugi građevinski materijal, te voće i povrće.

U više navrata su održavani sastanci sa predstavnicima Federalnog ministarstva prometa i komunikacija i nadležnim kantonalnim ministarstvima iz oblasti saobraćaja svih

deset kantona sa ciljem kvalitetnije distribucije bilateralnih međunarodnih dozvola za prijevoz tereta .

### **c) Poboljšanje nivoa bezbjednosti u drumskom saobraćaju**

Ministarstvo trgovine, turizma i saobraćaja je u 2010.godini vodilo aktivnosti na sprovođenju planiranih mjera za unapređenje bezbjednosti u oblasti saobraćaja na putevima i to:

- Sve stanice tehničkog pregleda na području TK su informaciono uvezane te su na svim Stanicama instalirane kamere tako da je omogućen pristup informacijama o svim obavljenim tehničkim pregledima vozila , tehničkoj ispravnosti vozila , marki i tipu vozila i dr.,
- Svim pravnim i fizičkim licima, koja su posjedovala vozila koja su ispunjavala uslove u pogledu tehničke opremljenosti vozila, izdavana su Rješenja o ispunjavanju tehničko-eksploatacinim uslovima,
- Vršena je revizija izdatih licenci i iskaznica za vozače motornih vozila koje su izdate u predhodnom periodu, kao i izdavanje novih za ona pravna i fizička lica koja su ispunjavala zakonom propisane obaveze. Proces će se nastaviti i u narednom periodu.

Ministarstvo je u saradnji sa zainteresovanim Udruženjima i Kantonalnom privrednom komorom, te sa nadležnim organizacijama i institucijama intenzivno radilo na rješavanju problema nelegalnog taksi-prijevoza, kao i kombi prijevoza na području Tuzlanskog kantona

### **d) Izgradnja i rekonstrukcija puteva u Tuzlanskom kantonu**

Ministarstvo je radilo na sprovođenju Strateških ciljeva u oblasti putne infrastrukture te izgradnji i rekonstrukciji puteva u Tuzlanskom kantonu, a naročito na mreži regionalnih puteva, na kojima su u izvještajnom periodu vođene slijedeće aktivnosti :

- Izvršena je rekonstrukcija i rehabilitacija regionalnih puteva u dužini od 19,35 km od ukupne dužine regionalne putne mreže koja iznosi 340,40 km na području TK;
- U saradnji sa Ministarstvom prostornog uređenja i zaštite okoliša TK-a urađena je i dostavljena Skupštini Tuzlanskog kantona Informacija o stanju u vezi sa izgrađenim objektima u cestovnom pojasu magistralnih cesta na prostoru TK-a;
- Započete su aktivnosti na uspostavljanju evidencije - katastra objekata izgrađenih u zaštitnom pojasu regionalnih cesta na području TK-a, u skladu sa Zaključkom Skupštine Tuzlanskog kantona.

### **e) Željeznički saobraćaj**

Ministarstvo trgovine, turizma i saobraćaja je u saradnji sa Direkcijom cesta Tuzla i Željeznicama FBiH –Područje infrastrukture Tuzla vodilo aktivnosti na osposobljavanju signalno-sigurnosnih uređaja i pružnih prijelaza na ukrštanju željezničkih pruga sa regionalnim i putevima od značaja za Tuzlanski kanton.

Takođe, vođene su aktivnosti za uvođenje odgovarajućeg broja vozova za prijevoz putnika na kantonalnoj pružnoj mreži i elektrifikacija pružne mreže na području Kantona, te je održano više sastanaka sa predstavnicima željeznice sa ciljem da se obezbijedi dio finansijskih sredstava u budžetu TK za sufinansiranje putničkog željezničkog saobraćaja.

## f) Zračni saobraćaj

Ministarstvo trgovine, turizma i saobraćaja je u saradnji sa JP «Međunarodni Aerodrom Tuzla» Tuzla, Vladom TK i Vladom Federacije BiH u 2010. godini stvaralo neophodne pretpostavke intenzivnijeg odvijanja saobraćaja na Aerodromu Tuzla, u cilju nesmetanog prijevoza putnika i tereta.

Rađeno je na obezbjeđenju servisa kontinuiranog snadbijevanja gorivom po zahtjevu avio kompanija, te su stvoreni svi preduslovi prihvata i otpreme većih zrakoplova, a time i povoljniji uslovi poslovanja Aerodroma.

Izvršena je djelimična nabavka nedostajuće opreme za prihvata i otpremu zrakoplova, putnika, prtljaga i robe, dijela opreme za vatrogasnu službu, opreme za ljetno i zimsko održavanje aerodroma i dr.

Izvršena je certifikacija aerodroma kao aerodromskog operatora (ograničenog nivoa).

Djelomično je izvršen prijem i licenciranje neophodnog broja uposlenika za nesmetano funkcionisanje aerodroma.

U toku je realizacija aktivnosti na zaključenju ugovora sa avio prevoznicima na otvaranju direktne linije Tuzla-Istanbul dva puta sedmično.

Vođene su aktivnosti na razvoju putničkog saobraćaja sa niskotarifnim (low cost) kompanijama.

Instaliranjem ILS obezbjeđeni su uslovi za otpočinjanje aktivnijih pregovora sa avio kompanijama koje se bave prevozom roba u zračnom cargo saobraćaju.

**Finansijski i operativni dio izvještaja aerodroma, prikazan je u posebnom izvještaju koje ovo preduzeće u skladu sa utvrđenim rokovima redovno godišnje dostavlja Vladi i Skupštini Tuzlanskog kantona.**

## g) Ostale aktivnosti

Rađene su analize, informacije, izvještaji i mišljenja iz oblasti prometa i komunikacija po zahtjevu Vlade i Skupštine TK.

U više navrata je odgovarano na pitanja vijećnika općinskih vijeća i skupštinskih poslanika.

Organizovani su sastanci sa predstavnicima općinskih organa uprave nadležnih za poslove saobraćaja, preduzećima i drugim subjektima iz nadležnosti ovog ministarstva. Posebno su održavani sastanci sa taksi projevonicima i prijevoznicima koji vrše linijski prijevoz putnika na kantonalnim linijama radi rješavanja nagomilanih problema.

Aktivno smo učestvovali u pripremi i donošenju Zakona o izmjenama i dopunama Zakona o cestovnom prijevozu Federacije Bosne i Hercegovine koji je usvojen 18.01.2010. godine i objavljen u Službenim Novine FBiH, broj 2/10.

**U tabeli 3. izvještaja prikazani su podaci o upravnom rješavanju iz djelokruga rada Odjeljenja saobraćaja u proteklom periodu i Ostvareni Finansijski pokazatelji za protekli period u Budžetu Federacije BiH i Tuzlanskog Kantona.**

**U toku 2010. godine ostvareni su prihodi od izvršenih tehničkih pregleda u iznosu od 51.378,39 KM.**

**Ukupno je u 2010. godini po osnovu svih naplaćenih taksi ostvareno prihoda u iznosu od 319.521,39 KM.**

Povećanje prihoda u koloni 1. je rezultat izdatih Rješenja o tehničko-eksploatacionim uslovima u periodu od 9 (devetog) mjeseca do kraja godine na koje se uplaćivala


administrativna taksa od 15,00 KM u budžet TK, a ranije je bila 7,00 KM i išla je u budžet FBiH-e. Povećanje prihoda ostvareno je i u koloni 4. na dopunskim taksi oznakama.

Takođe, u koloni 5 došlo je do povećanog broja pojedinačnih sedmičnih zahtjeva za bilateralne dozvole tako da su i prihodi u 2010 godini povećani za oko 14.585,00 KM u odnosu na 2009 godinu.

Rješenja o kategorizaciji autobuskih stanica nije bilo jer su ranije izvršene kategorizacije svih autobuskih stanica na našem kantonu, a takođe nije bilo registracije i usklađivanja redova vožnje na kantonalnim linijama.

**Tabela 3.**

	Rješenja o teh- eksploatacionim uslovima	Licence (obraci+rješenja )	Iskaznice za vozače	Dopunske oznake za taksi vozila	Bilateralne dozvole+zahtjevi	Razne potvrde +Rj.obt+Uvj.za taxi	Rješenja o obustavi saobraćaja	Rješenja o kategorizaciji aut stanica	Registracija i usklađivanje redova vožnje
	1	2	3	4	5	6	7	8	9
<b>2005</b>	150.090,00	10.440,00	2.760,00	4.980,00	72.500,00	400,00	240,00	100,00	3.390,00
<b>2006</b>	144.750,00	7.730,00	5.360,00	3.480,00	53.000,00	1.300,00	120,00	150,00	6.300,00
<b>2007</b>	113.337,00	68.920,00	13.940,00	4.215,00	36.370,00	210,00	585,00	0	0
<b>2008</b>	57.470,00	52.090,00	51.880,00	10.440,00	106.270,00	100,00	465,00	0	0
<b>2009</b>	56861,00	60.530,00	8.930,00	11.790,00	82.755,00	1.860,00	420,00	0	0
<b>2010</b>	79133,00	60.600,00	7.310,00	13.590,00	97.340,00	5.065,00	345,00	0	0



## D- IZVJEŠTAJ O UTROŠKU BUDŽETSKIH I NAMJENSKIH SREDSTAVA

Ministarstvo trgovine, turizma i saobraćaja je u skladu sa programom i planom rada , odobren budžetski zahtjev za 2010. godinu u iznosu od 1.244.042,86 KM i to:

- iz vlastitih prihoda u iznosu od 66.590,00 KM
- iz budžetskih sredstava u iznosu od 1.177.452,86,00 KM.

Od ukupnog iznosa odobrenih sredstava 52,81 % je predviđeno za tekuće izdatke, 9,66 % za kapitalne izdatke, 37,53 % za subvenciju JP „Međunarodni aerodrom Tuzla“.

U 2010. godini Ministarstvo trgovine, turizma i saobraćaja je ostvarilo **javne prihode** i to:

a.) Odjeljenje saobraćaja

UKUPAN PRIHOD	Prihodi uplaćeni na račun Budžeta TK	Prihodi uplaćeni na račun Budžeta FBiH	Prihodi uplaćeni na račun Trezora BiH
268.143,00	166.600,00	62.603,00	38.940,00

Ostvareni javni prihodi u 2010. godini su veći za 20,16 % u odnosu na isti period prošle godine.

b.) Odjeljenje trgovine i turizma

Odjeljenje trgovine i turizma je ostvarilo prihod na ime administrativnih taksi u iznosu od 3.730,00 KM ( za isti period prethodne godine ostvareni prihod je bio 1.798,00 KM).

U 2010. godini Ministarstvo trgovine, turizma i saobraćaja je ostvarilo **vlastite i namjenske prihode** i to:

a.) Odjeljenje trgovine i turizma

U toku 2010. godine odeljenje „Trgovine i turizma“ ostvarilo je ukupne **vlastite prihode** u iznosu od 3.704,82 KM od kategorizacije ugostiteljskih objekata ( ostvareni vlastiti prihod je manji za 15,50 % u odnosu na isti period prošle godine) . Ostvareni prihod je utrošen za pokriće nastalih izdataka materijala i usluga.

b.) Ministarstvo je u 2010. godini ostvarilo **namjenske prihode** u iznosu od 51.378,39 KM ( u odnosu na prošlu godinu namjenski prihodi su veći za 6,34%). Namjenski prihodi čine sredstva u visini od 1% od izvršenih tehničkih pregleda za svako motorno vozilo koje uplaćuje stanica za tehnički pregled vozila. Naknada se uplaćuje na račun budžeta Kantona u kojem se stanica nalazi. Kantonalna ministarstva uplaćena sredstva namjenski koriste za unapređenje vršenja kontrole tehničke ispravnosti vozila na stanicama, kao i na povećanje ukupne bezbjednosti saobraćaja na području Kantona.

Ministarstvo je za namjene koje su predviđene Programom o utrošku namjenskih sredstava u 2010. godini realizovalo 71.571,25 KM namjenskih sredstava za nabavku opreme

Ministarstvo je u 2010. godini bilo nadležno u sprovođenju **Odluka Vlade** po budžetskim pozicijama prikazanim u sljedećim tabelama:

**SPISAK PRIMAoca NOVČNIH SREDSTVA SA BUDŽETSKE POZICIJE  
„SREDSTVA ZA UTROŠAK PRIHODA OD KONCESIJE“ 11010018-  
NAMJENSKA SREDSTVA**

Red broj	Naziv primaoca	Namjena	Broj Odluke	Datum donošenja Odluke	Iznos (KM)
1.	Lovačko društvo „Tuzla“	Sanacija i rekonstrukcija lovačkog doma Lovačkog društva „Tuzla“	02/1-14-16052-1/10	03.09.2010.	12.000,00
2.	JP SKPC „Mejdan“	Realizacija Programa „Kupujmo domaće“ putem sportskih aktivnosti i manifestacija	02/1-14-16052-2/10	03.09.2010.	10.000,00
3.	Planinarsko društvo „Konjuh“	Finansiranje uređenja Planinarskog doma „Javorje“ i njegovog okoliša	02/1-14-16052-3/10	03.09.2010.	3.000,00

**SPISAK PRIMAoca NOVČNIH SREDSTVA SA POTROŠAČKE JEDINICE  
„TROŠKOVI MANIFESTACIJE“- 11010003**

Red broj	Naziv primaoca	Namjena	Broj Odluke	Datum donošenja Odluke	Iznos (KM)
1.	DOO „Nuhanović“	Organizacija i realizacija manifestacije Sajam turizma „LIST“ 2010. godine	02/1-14-793/10	06.05.2009.	10.000,00
2.	Planinarsko društvo „Konjuh“ Tuzla	Realizacija manifestacije „ XIII susreta planinara Balkana“	02/1-14-9085/10	03.06.2010.	4.000,00



**SPISAK PRIMAoca NOVČNIH SREDSTVA SA POTROŠAČKE JEDINICE  
MINISTARSTVA TRGOVINE, TURIZMA I SAOBRAĆAJA- SUBVENCije  
JAVNIH PREDUZEĆA**

Red broj	Naziv primaoca	Namjena	Konto	Iznos (KM)
1.	JP „Međunarodni aerodrom Tuzla“ d.o.o.	Subvencija materijalnih troškova	6144	466.880,00

Bosna i Hercegovina  
Federacija Bosne i Hercegovine  
Ministarstvo trgovine, turizma i saobraćaja

M I N I S T A R

Broj: \_\_\_\_\_  
Tuzla, \_\_\_\_\_

Zoran Milić, dipl. ing. građ